



# NOGOMETNI SAVEZ ZENIČKO - DOBOJSKOG KANTONA

72000 Zenica  
Zukići 22  
Tel.: 032 462 150  
Fax: 032 446 351  
www.nszdk.com  
e-mail: ns.zedo@bih.net.ba  
ID broj: 4218028750005

Broj: 05 - 2453/21  
Zenica, 29.11.2021.godine

Na osnovu člana 99. i 56. Disciplinskog pravilnika NS/FS BiH i Odluke Izvršnog odbora Nogometnog saveza Federacije BiH broj 1463/21 od 07.07.2021. godine, rješavajući disciplinske prekršaje na utakmicama 14. kola Druge lige FBiH grupa „Centar“, Disciplinski sudija dana 29.11.2021.godine, donosi:

## ODLUKU

1. **NK Čelik**, zbog prekršaja iz člana 56. (**slaba organizacija**) i 59. Disciplinskog pravilnika (**neredi na stadionu**) NS/FS BiH, a u vezi sa članom 22.01. Propozicija takmičenja Druge lige Federacije BiH za takmičarsku sezonu 2021/2022 na utakmici 14. kola Druge lige FBiH grupa „Centar“: NK Čelik i NK Bosna odigrane dana 14.11.2021. godine **kažnjava se novčanom kaznom od 2.000 KM (dvije hiljade konvertibilnih maraka)**.
2. **NK Čelik u skladu sa članom 59. (3) Disciplinskog pravilnika NS/FS BiH kažnjava se zabranom igranja pred gledaocima 3 (tri) domaće prvenstvene utakmice.**
3. **NK Čelik u skladu sa članom 59. (2) a) Disciplinskog pravilnika NS/FS BiH oduzimaju se tri boda u takmičarskoj sezoni 2021/2022 Druge lige FBiH grupa „Centar“.**

## O b r a z l o ž e n j e

Prema izvještaju i dopunskom izvještaju delegata utakmice 14. kola Druge lige FBiH grupa „Centar“ između NK Čelik i NK Bosna, odigrane dana 14.11.2021. godine u Zenici, utvrđeni su propusti u organizaciji utakmice i incidenti, odnosno neredi tokom odigravanja utakmice, a koji se ogledaju u sljedećem:

Ponašanje gledalaca navijača domaće ekipe NK Čelik nije bilo u skladu sa predviđenim kodeksom ponašanja. U 60. minuti utakmice dogodio se incident kada je od strane glavnog sudije dosuđen kazneni udarac za ekipu gostiju NK Bosna, pri čemu su neodgovorni pojedinci, skupina cca 15 ušli u ograđeni dio terena za igru. Jedan neodgovorni pojedinac, gledalac, navijač domaće ekipe NK Čelik udario je nogom glavnog sudiju Bekrić Kenana u predjelu noge, a drugi neodgovorni pojedinac, gledalac, navijač domaće ekipe NK Čelik udario je prvog asistenta utakmice Sikira Ediba rukom u predjelu vrata.

Vrlo brзом intervencijom organa reda (policije i zaštitara) situacija se stabilizovala i nije bilo incidenta širih razmjera, pri čemu je spomenuta skupina gledalaca, navijača domaće ekipe NK Čelik vraćena unutar tribinskog prostora, a utakmica je prekinuta od strane glavnog sudije zbog izvršenog fizičkog napada na sudiju i sudiju asistenta. Nakon prekida utakmice uz pratnju policije i zaštitara sudije i delegat utakmice ispraćeni su u službene prostorije gdje nije bilo nikakvih incidenata. Prvi asistent utakmice Sikira Edib žalio se na bolove u predjelu vrata i zbog toga je prebačen u Dom zdravlja Zenica.

Odlukom komesara za takmičenje Druge lige FBiH grupa „Centar“ broj 04-2399/21 od 22.11.2021. godine pomenuta utakmica registruje se službenim rezultatom 0:3 (par-forte) u korist NK Bosna Visoko, a „A“ teren Kamberović Polje u Zenici za utakmice na kojima je domaćin organizator NK Čelik suspenduje se do okončanja disciplinskog postupka.

U svom očitovanju broj: I-399/21 od 24.11.2021. godine NK Čelik između ostalog navodi sljedeće:

NK Čelik Zenica preduzeo je sve potrebne mjere u pogledu organizacije utakmice shodno pravilima nogometnih saveza, te Propozicijama takmičenja, a što je usmeno rekao i sam delegat nakon prekida, da bi kasnije promjenio svoj stav u pismenom izvještaju.

Dalje u svom očitovanju odgovorno tvrde da je prekid utakmice isključivo posljedica postupaka sudija koji nisu u skladu sa fer play načelom.

Za slabu organizaciju utakmice članom 56. a) Disciplinskog pravilnika NS/FS BiH propisano je da ako se utakmica ne organizuje u skladu sa važećim propisima klub će se kazniti sa novčanom kaznom od 1000 KM do 2000 KM.

Članom 59. (1) a) Disciplinskog pravilnika NS/FS BiH propisano je da će se Klub kazniti novčanom kaznom od 2.000 KM do 5.000 KM ako se na stadionu ili neposredno van stadiona za vrijeme igre, prije i poslije igre, dogode **neredi koji su ugrozili fizički integritet učesnika utakmice** ili uzrokovali veću materijalnu štetu na stadionu, a organizator utakmice **nije preduzeo mjere da spriječi nered ili ih nije preduzeo u dovoljnoj mjeri.**

Članom 59. (5) propisano je da se fizički napad gledalaca na igrače, stručna, tehnička i službena lica utakmice smatra težim prekršajem u smislu stava 1.ovog člana.

Iz izvještaja i dopunskog izvještaja delegata jasno se vidi da NK Čelik kao organizator navedene utakmice nije preduzeo adekvatne mjere, odnosno nije ih preduzeo u dovoljnoj mjeri da bi se zaštitio fizički integritet sudaca.

Glavni sudija Bekrić Kenana udaren je u predjelu noge od strane jednog navijača NK Čelik, a prvi asistent Sikira Edib dobio je udarac u predjelu vrata takođe od jednog navijača NK Čelik.

Intervencijom policije i zaštitara spriječene su vjerovatno još teže posljedice koje su mogle nastupiti za učesnike navedene utakmice, imajući u vidu da je u ograđeni dio terena za igru, pored dva igrača koja su izvršila fizički napad na suce ušla i grupa od petnaestak navijača koji su okružili suce utakmice.

Članom 22.01. Propozicija takmičenja Druge lige Federacije BiH za takmičarsku sezonu 2021/2022 propisano je da je klub domaćin obavezan da poduzme sve mjere i radnje u cilju zaštite: članova gostujuće ekipe, sudaca, delegata utakmice, gostujućih navijača (kod organiziranog dolaska) neposredno prije početka utakmice, u toku, između dva poluvremena i po završetku utakmice, a sve do napuštanja stadiona za odigravanje utakmice, kao i poduzeti sve mjere na stadionu za odigravanje utakmice i oko njega predviđene ovim propozicijama takmičenja, Pravilnikom o sigurnosti kao i ostalim pravilnicima, odlukama, propisima i uputstvima NS/FS BiH i NS FBH.

Članom 22.07. gore navedenih Propozicija propisano je da Klub domaćin za neispunjavanje obaveza snosi takmičarske i disciplinske posljedice u skladu sa Pravilnikom o nogometnim takmičenjima NS/FS BiH i Disciplinskim pravilnikom NS/FS BiH, a članom 22.08. jasno se **propisuje da su klubovi odgovorni i za ponašanje svojih članova i navijača.**

Članom 2. g) Odluke o visini novčanih kazni za klubove, igrače, funkcionere i stručna lica za takmičarsku sezonu 2021/2022 propisano je **da za nesportsko ili nasilno ponašanje navijača za m:tel Prvu ligu FBiH kazna iznosi od 1.000 KM do 5.000 KM.**

Članom 3. iste Odluke propisano je da visina novčanih kazni za klubove, igrače, stručna lica i funkcionere na nivou druge lige FBiH iznosi 70% naprijed navedenih iznosa u članu 2. ove Odluke, izuzev tačke l), m) i n), s tim što novčana kazna za žuti karton na nivou Druge lige FBiH iznosi 25. KM.

**Odlukom broj: 05–1815/21. od 26.08.2021.godine NK Čelik je kažnjen novčanom kaznom od 1.000 KM zbog sličnog prekršaja na utakmici 1. kola Druge lige FBiH grupa „Centar“ NK Čelik i NK Stupčanica, što predstavlja otežavajuća okolnost, (ranije ponašanje) u skladu sa članom 33. (1) Disciplinskog pravilnika NS/FS BiH, što je disciplinski sudija imao u vidu prilikom donošenja ove Odluke.**

Disciplinski sudija je prethodno utvrdio pojedinačne kazne za svaki prekršaj pojedinačno, te odmjerio jedinstvenu kaznu.

Na osnovu gore navedenog odlučeno je kao u dispozitivu Odluke.

**POUKA O PRAVNOM LIJEKU:** Protiv ove odluke može se uložiti žalba Apelacionoj komisiji Nogometnog saveza Federacije BiH, putem prvostepenog disciplinskog organa, u roku od 8 (osam) dana od dana prijema odluke, uz dokaz o uplati propisane takse.

**DOSTAVLJENO:**

0x Klubu  
1x Komesaru takmičenja  
1x a/a



**DISCIPLINSKI SUDIJA**  
Aldin Avdić sr.